

**Hovedkontor:**  
Postboks 2805, 3702 Skien  
Tlf.: 35 91 70 30  
e-post: [post-tnr@tekomrev.no](mailto:post-tnr@tekomrev.no)  
[www.tekomrev.no](http://www.tekomrev.no)

**Distriktskontor:**  
Postboks 83, 3833 Bø  
Tlf.: 35 05 90 00

Foretaksregisteret:  
985 867 402 MVA

Til Tinget i Vest-Telemarkrådet

Vår ref.:18/645/vsu  
Deres ref.:  
Arkivkode: 608000

## MELDING FRÅ UAVHENGIG REVISOR

### Uttale om årsrekneskapen

#### *Konklusjon*

Vi har revidert årsrekneskapen for Vest-Telemarkrådet som viser eit ordinært resultat på kr 1 635 032 og et rekneskapsmessig resultat på kr 1 438 107. Årsrekneskapen består av balanse per 31. desember 2017, driftsrekneskap for rekneskapsåret avslutta per denne datoen og noter til årsrekneskapen, medrekna eit samandrag av viktige rekneskapsprinsipp.

Etter vår meining er årsrekneskapen som følgjer med gitt i samsvar med lov og forskrifter og gir ei dekkande framstilling av den finansielle stillinga til samarbeidet per 31. desember 2017, og av resultatet for rekneskapsåret som ble avslutta per denne datoen i samsvar med kommuneloven og tilhøyrande rekneskapsreglar i forskrift om årsbudsjett, årsregnskap og årsmelding for interkommunale selskap og god kommunal regnskapsskikk i Noreg.

#### *Grunnlag for konklusjonen*

Vi har gjennomført revisjonen i samsvar lov, forskrift og god kommunal revisjonsskikk i Noreg, medrekna dei internasjonale revisjonsstandardane (ISA-ane). Våre oppgåver og plikter etter desse standardane er beskrivne i *Revisors oppgåver og plikter ved revisjon av årsrekneskapen*. Vi er uavhengige av samarbeidet slik det er krav om i lov og forskrift, og har overhaldt dei andre etiske pliktene i samsvar med disse krava. Etter vår oppfatning er innhenta revisjonsbevis tilstrekkeleg og formålstenleg som grunnlag for konklusjonen vår.

#### *Ytterlegare informasjon*

Leiinga er ansvarleg for ytterlegerare informasjon. Ytterlegerare informasjon består av informasjon samarbeidets årsrapport ut over dei lovpålagte krava, men inkluderer ikkje årsrekneskapen og revisjonsmeldinga.

Vår uttale om revisjonen av årsrekneskapen dekker ikkje ytterlegerare informasjon, og vi attesterer ikkje denne informasjonen.

I forbindelse med revisjonen av årsrekneskapen er det vår oppgåve å lese ytterlegare informasjon for å vurdere om det er vesentleg inkonsistens mellom ytterlegare informasjon og årsrekneskapen, kunnskap vi har opparbeidd under revisjonen, eller om han tilsynelatande inneheld vesentleg feilinformasjon. Dersom vi hadde konkludert med at den ytterlegare informasjonen inneheld vesentleg feilinformasjon ville vi rapportert det. Vi har ikkje noko å rapportere i så måte.

### *Styret og daglig leiars ansvar for årsrekneskapen*

Styret og daglig leiar er ansvarleg for å utarbeide årsrekneskapen i samsvar med lov og forskrifter, derunder for at det gir en dekkande framstilling i samsvar med kommuneloven med tilhøyrande rekneskapsreglar i forskrift om årsbudsjett, årsregnskap og årsmelding for interkommunale selskap og god kommunal rekneskapskikk i Norge. Leiinga er og ansvarleg for slik intern kontroll den finn naudsynt for å kunne utarbeide et årsrekneskap som ikkje inneheld vesentleg feilinformasjon, verken som følgje av misleg framferd eller feil som ikkje er tilsikta.

### *Revisor sine oppgåver og plikter ved revisjonen av årsrekneskapen*

Vårt mål med revisjonen er å oppnå tryggande sikkerhet for at årsrekneskapen totalt sett ikkje inneheld vesentleg feilinformasjon, verken som følgje av feil eller misleg framferd, og å gi ei revisjonsmelding som inneheld vår konklusjon. Tryggande sikkerheit er ei høg grad av tryggleik, men ingen garanti for at ein revisjon utført i samsvar med lov, forskrift og god kommunal revisjonsskikk i Noreg, og ISA-ane, alltid vil avdekke vesentleg feilinformasjon som eksisterer. Feilinformasjon kan oppstå som følgje av misleg framferd eller feil som ikkje er tilsikta. Feilinformasjon blir vurdert som vesentleg dersom den åleine eller samla innanfor rimeleg grenser kan forventast å påverke økonomiske avgjerder som brukarane tar basert på årsrekneskapen.

Som del av ein revisjon i samsvar med lov, forskrift og god revisjonsskikk i Noreg, og ISA-ane, utøver vi profesjonelt skjønn og viser profesjonell skepsis gjennom heile revisjonen. I tillegg:

- identifiserer og anslår vi risikoane for vesentleg feilinformasjon i årsrekneskapen, enten det skuldast misleg framferd eller feil som ikkje er tilsikta. Vi utformar og gjennomfører revisjonshandlingar for å handtere slike risikoar, og hentar inn revisjonsbevis som er tilstrekkeleg og formålstenleg som grunnlag for konklusjonen vår. Risikoen for at vesentleg feilinformasjon som følgje av misleg framferd ikkje blir avdekka, er høgare enn for feilinformasjon som skuldast feil som ikkje er tilsikta, sidan misleg framferd kan innebere samarbeid, forfalsking, bevisste utelatingar, feil presentasjonar, eller brot på interne kontrollrutinar.
- opparbeider vi oss ei forståing av intern kontroll som er relevant for revisjonen, for å utforme revisjonshandlingar som er føremålstenlege etter tilhøva, men ikkje for å gi uttrykk for ei meining om effektiviteten av kommunen sin interne kontroll.
- evaluerer vi om rekneskapsprinsippa som er brukte, er føremålstenlege, og vurderer om rekneskapsestimata og tilhøyrande noteopplysningar som er utarbeidde av administrasjonssjefen, er rimelege.
- evaluerer vi den totale presentasjonen, strukturen og innhaldet i årsrekneskapen, og tilleggsopplysningane, og om årsrekneskapen representerer dei underliggjande transaksjonane og hendingane på ein måte som gir ei dekkande framstilling.

### **Utsegn om andre lovmessige krav**

#### *Konklusjon om budsjett*

Basert på revisjonen vår av årsrekneskapen slik den er omtalt ovanfor, meiner vi at dei disposisjonar som ligg til grunn for rekneskapen i det alt vesentlege er i samsvar med budsjettvedtak, og at budsjettbeløpa i årsrekneskapen stemmer med regulert budsjett.

### *Konklusjon om årsmeldinga*


Basert på revisjonen vår av årsrekneskapen slik den er omtalt ovanfor, meiner vi at opplysningane i årsmeldinga om årsrekneskapen er konsistente med årsrekneskapen og er i samsvar med lov og forskrifter.

### *Konklusjon om registrering og dokumentasjon*

Basert på revisjonen vår av årsrekneskapen slik den er omtalt ovanfor, og kontrollhandlingar vi har funne nødvendige etter internasjonal standard for attestasjonsoppdrag (ISAE) 3000 «Attestasjonsoppdrag som ikke er revisjon eller forenklet revisorkontroll av historisk finansiell informasjon», meiner vi at leiinga har oppfylt si plikt til å sørge for ordentleg og oversiktleg registrering og dokumentasjon av selskapet sine rekneskapsopplysningar i samsvar med lov og god bokføringskikk i Noreg.

Bø, 6. april 2018

Telemark Kommunerevisjon IKS



Kjell Ekman

Statsautorisert revisor/oppdragsansvarlig